

太上慈悲道場消災九幽法懺卷之七

草七

太上慈悲道場消災九幽懺卷之七 第七

太極左仙公葛玄纂集

蕩忤逆品第一

今日道場大衆人各運心稽首

慈尊懺悔忤逆不孝罪業懺主某歛心長跪

諦聽經言一切衆生自受日月臨照隨運流

遷稟受髮膚皆因父母

普濟言不審父母因緣恩義輕重酬報鞠養

要以得知

慈尊言夫若形直其影必正形若不直其影

必斜聲若清楚其響必淨聲若不清其音必  
濁孝與不孝其義如是若孝若悌一家之中  
老少安樂天下欽敬神明守護子孫相承孝  
慈不斷招感孝順以為珍寶若乃不孝世世  
相續一門之內總是冤家雖言父母如同讎

草七

隙招忤逆者以作其兒父母兄弟各財異食  
同園別菜共田分穀隱藏珍饌喫食如偷雖  
是人形不如禽獸神明不祐一生所為諸不  
吉利死入地獄受一切苦萬劫方生受百勞  
鳥生子欲飛須共食母方離巢穴後生人中

聚集忤逆却爲父子更相殘害迤互相嫌天  
下苦痛莫過於此且非父不生非母不養是  
以天地覆育寄託母身二氣相凝懷娠十月  
繫妊抱重坐卧失常歲滿月充誕育之候其  
母恐怖性命輟然惻怛心神憂喪俄頃產孕

之日內觸外觸痛苦交切失聲號叫受大苦  
惱匍匐戰懼駭愕驚嗟及至生已母乃喜不  
自勝安藏被帛側身三月常畏邪魔飢時須  
飯非母不哺渴時須飲非母不乳計飲母乳  
八斛四升千日提携洗浣塵垢推乾就濕嚙

苦吐甘非父不親非母不養昔開皇劫中見  
一衆生有父母年老氣力衰微其子終朝至  
暮不去省問父母獨守空房猶如外客少衣  
少食飢凍切身手脚踈跣耳聾目暗單牀薄  
席度日如年身極尪羸多饒蟻蟲蚊蟲嗜體

草七

二

通夕不寐長吟嘆息見子不孝遂以拄杖巡  
喚低頭下氣欲伸所欠未盡前言其兒興聲  
瞋目罵詈父母迴頭却退扶壁而歸槌背自  
悲流慟目腫連聲唱苦不如早亡母告兒言  
汝初小時非吾不育飲餒遮蔽非吾不養懷

汝十月如携重擔氣息奔喘劇於馳走或時  
寒熱坐卧不安腹皮拆裂心骨填滿髮落消  
瘦不能飲食當生產時逆前一月常懷憂怖  
恐不相離當產之日命如風燭四肢百脉或  
如刀刺五臟六腑熱如火炙既得降誕喜懼  
交集諸苦諸痛更不能述三年携抱日夜不  
離坐卧不淨眠食失時視兒氣色將息飢飽  
忽有疾病父母心痛聞子忍苦母不過食心  
口乾燥萬種求福黃金白銀衣服玩具心願  
子安無所恡惜念汝小時東西隨我不離寸

步食亦隨我眠亦隨我一日無我終日不食  
一夜無我啼哭不眠如何長大忽成怨對今  
雖有汝不如本無願我早亡與汝相離於是  
其兒果受忤逆不孝重罪死入北方酆都地  
獄受諸痛苦備歷辛酸萬死萬生不可具述

第七

三

於是

慈尊為諸未悟而說偈曰

善善自會善

惡惡歸惡根

生前不慈孝

死後永沉淪

備歷諸眾苦

往返十八門

非吾三教日

超生永不聞

受身百勞鳥

骨肉被子分 報足歸人道 復會子兼孫

今日道場大衆聞是經言大須覺悟自以前

世今生或有忤逆罪業將來之日恐受此報

當宜精進發念懺悔惟願受報一切衆生同

得解脫懺主某伏為平安禮此懺文五體投

地一心發念稽首

慈尊敬禮

真聖

志心敬禮

玉清降福天尊

志心敬禮

尋聲救苦天尊



志心敬禮

玄上玉宸天尊

志心敬禮

世間救度天尊

志心敬禮

梵氣真先天尊

志心敬禮

妙音自在天尊

志心敬禮

自在法勝天尊

志心敬禮

玄都萬壽天尊

志心敬禮

長樂天王天尊

志心敬禮

最勝救拔天尊

志心敬禮

常增上善天尊

志心敬禮

凝彩金華天尊

志心敬禮

紫清度魂天尊

志心敬禮

妙法方便天尊

志心敬禮

生成萬有天尊

志心敬禮

瓊潤法海天尊

志心敬禮

顯化應會天尊

草七

四

志心敬禮

沖和含生天尊

志心敬禮

證果圓明天尊

志心敬禮

大羅金身天尊

志心敬禮

大道意天尊

志心敬禮

修妙行天尊

志心敬禮

湛常寂天尊

志心敬禮

大威德天尊

志心敬禮

普光妙天尊

志心敬禮

常感應天尊

志心敬禮

太一救苦天尊

志心敬禮

長生保命天尊

志心敬禮

普慈護國天尊

志心敬禮

逍遙快樂天尊

志心敬禮

隨願往生天尊

志心敬禮

無邊際天尊

志心敬禮

功德海天尊

志心敬禮

東華真人

志心敬禮

五帝真人

志心敬禮

大慈救苦真人

志心敬禮

大悲拔罪真人

第七

五

今日道場施主及以大衆仰願

北方無上靈寶天尊諸尊諸聖諸大真人諸

大神仙諸大童子遍十方際盡玄虛界隱現

一切真聖以丹華水洗滌懺主某三世眷屬

從無量劫來至于今日或有忤逆不孝罪業

曾作未受藉今懺悔願得消滅不受報對從  
今已去生生世世重父母如天地帝王畏父  
母如星辰日月於國盡忠於家盡孝及以若  
人非人盡遵慈順覺悟前愆早悟  
大道一拜

誓報慈恩品第二

今日道場大衆人各運心歸依

慈尊說報慈恩因果懺主某歛心長跪諦聽  
經言一切衆生輪迴生死展轉幽冥我今放  
大光明徹照五方十地受苦衆生悉皆超度

惟有忤逆不得昇達當知父母恩義深重昊天罔極量以粉骨糜身報不能盡若人能行篤志外存孝養內蘊弘慈非但生身一切衆生皆我父母一切衆生皆我兄弟一切衆生皆我姊妹一切衆生皆我骨肉一切衆生皆

我男女一切衆生皆我養育一切衆生皆我愛護莫傷他命莫食彼肉或過去世或未來世或見在世一切衆生想如眷屬種種方便名曰報恩若有男女等所欲造諸功德報謝天地國王師尊生身父母恩育皆有次第一

為天地一為帝王一為師尊一為生身父母  
一為大地衆生一為己身一切眷屬但世間  
男女初出父母胞胎經至一歲十歲百歲百  
二十歲必欲預修還從首七周而復始及至  
遠年所造功德還依次第第一造像二造經

草七

六

三造長幡四十九尺設法身四十九人齋食  
建立道場命經請像法師法式然燈四十九  
卮任力更多又以燈如車輪三日三夜或七  
日七夜或四十九晝夜奉為國王帝主師尊  
法屬父母兄弟己身一切眷屬披心至念禮

吾應號懺悔己身祈乞恩福報答慈恩盡心  
供養稱揚讚歎所有罪業一懺悔後改往重  
修精進齋戒迴心慈善施及福田貧窮下賤  
五不具足病人孤老囚徒餓鬼一切衆生不  
仁之者勸歸善因他方遠客有急投人而爲  
濟度救其厄難施與衣食悉令具足重更發  
願慈孝尊親富爲繪像抄經救拔三塗五苦  
沉滯苦奕隨願往生名報慈恩若有男子女  
人積行以來或曾誹謗三寶不忠不孝帝主  
人王師尊父母曾作五逆深重罪業終身之日



慮入地獄恐受諸苦但為帝主人王師尊父  
母發念發願書寫經懺一句一偈禮我應號  
一位兩位已至多數已身命終之日不入地  
獄受前苦報徑適天堂受諸快樂若男若女  
能為帝主人王師尊父母已身眷屬於三元  
八節或於家舍或詣靈壇禮我聖號懺罪穢  
愆設大慶齋市辦名香緣山摘果採藥獻花  
造諸淨供宿夜翹勤請福祈恩保安家國拔  
度大地含識衆生不以已身十惡忤逆至於  
九祖父母已受未受有諸罪業悉得消滅若

於是日開講經義勸誘愚暗發忠孝心發救  
度心修此功德最當第一於是  
慈尊為諸未悟而說偈曰

一切世間人

孝道宜修身

畏愛於天地

當如父母身

畢竟成道果

妙行隨日新

吾今演妙法

救度諸沉淪

轉轉相報對

晝夜推劫輪

設此大法橋

度爾愛河津

妙哉三洞經

超凌有緣人

今日道場懺主某及以大衆如經所說報恩

種種因緣皆生省悟察以報恩誓不忤逆今

日伏為平安追薦禮此懺文五體投地一心發念

稽首

慈尊敬禮

真聖

志心敬禮

玉清降福天尊

志心敬禮

尋聲救苦天尊

志心敬禮

玄上玉宸天尊

志心敬禮

寶相莊嚴天尊

志心敬禮

一切智王天尊

志心敬禮

太清靈變天尊

志心敬禮

梵行正觀天尊

志心敬禮

九幽說法天尊

志心敬禮

光顯神功天尊

志心敬禮

隨方演化天尊

志心敬禮

金姿妙彩天尊

草七

志心敬禮

空寂正觀天尊

志心敬禮

化緣三界天尊

志心敬禮

應名百億天尊

志心敬禮

應願救拔天尊

志心敬禮

寶質法海天尊

志心敬禮

救生紫宸天尊

志心敬禮

運明高行天尊

志心敬禮

被物無限天尊

志心敬禮

勝妙上天尊

志心敬禮

寶嚴天尊

志心敬禮

海藏天尊

志心敬禮

善應天尊

志心敬禮

太一救苦天尊

志心敬禮

長生保命天尊

志心敬禮

普慈護國天尊

志心敬禮

無邊際天尊

志心敬禮

功德海天尊

志心敬禮

逍遙快樂天尊

志心敬禮

隨願往生天尊

志心敬禮

妙覺真人

草十

九

志心敬禮

慈慧真人

志心敬禮

大慈救苦真人

志心敬禮

大悲拔罪真人

今日道場施主及以大衆仰願

心誠出本願

北方無上靈寶天尊諸尊諸聖諸大真人諸

大天仙諸大地仙諸大救苦童子遍十方際  
盡玄虛界應號隱現一切真聖以瑤池水灑  
浣身心以無礙力令懺主某發心歸向一切  
種種善緣當使獲福無量所願諧心無所不  
遂自從今去誓願隨力報答慈恩惟願累劫  
怨對輕重罪業及以師尊父母伯叔兄弟已  
身眷屬三世姻蘿已過去世超生解脫見在  
世者立功報德惟願懺力是女是男一切衆  
生同體玄風歸依

大道 一拜

釋餘累品第三

今日道場大衆人各運心仰對

慈尊懺釋衆多餘累罪業懺主某端心長跪  
諦聽經言一切衆生從氤氲生父母恩愛提  
携乳哺漸漸成長未能分別即滯愛慾罪根  
增長若不懺悔開演經戒寢微汲引令入正  
道即永受無明憎愛纏縛世間父母但能生  
我不能成我於是師尊示我經戒得離煩惱  
是知師恩過於父母見有一切衆生立身已  
來不知師恩深重而乃應對罵詈不給所須



不侍甘美不供衣食將同踈外及生謀害即  
與忤逆子同返相報對見有衆生受持齋戒  
或居高上凌辱卑下或恃富貴逼迫孤貧或  
假勢力欺抑賤弱或任官吏刻削爲意恣行  
酷罰益公損私不依理道侵移三寶福地居

草七

十

住三寶淨院或興建

尊像抄寫經文修立靈觀啓造厨堂及設齋  
醮或爲主首偷盜財物擡價買賣或將常住  
財物或是施主財物又以父母兄弟六親眷  
屬共處同住凡是所爲更相欺盜或即移籬

就被侵他地界虜掠田園因公託勢奪人邸  
店商旅博貨輕秤小斗減退尺寸隱縮分銖  
欺筭圭合將鹿麕易細以短換長巧詐百端希  
求毫利燒人屋舍枉陷平人妬人富貴信他  
鬪謀瞋怒父母或放財本過分取利多行貪  
愛勢取他物抵債不還擬生諱負無故殺生  
邪淫祭祀凌竅官私舉告長短驕慢無禮欺  
上罔下或剥脫出家行人之物或發掘塚墓  
偷竊棺木或捕魚張筌巧取泓池江河淮濟  
海瀆川源湖港水族之類如是罪業種種多

般不可記憶若衆生造一名一種罪目當報  
重業上累億曾萬祖以及父母已身六親九  
族已歿者及過去者諸不吉利死入地獄一  
一推磨須經報對萬劫方生受身不足縱生  
男女不得長大終老孤獨如是業緣皆由前

草七

十一

定今日道場大衆如經所說衆生罪福善惡  
往返報對耳聞眼見轉似車輪皆如影響宜  
各歛念依教修行若乃年光虛度老病相加  
一旦身亡受茲果報有何方計免此沈淪今此  
禮懺惟願見在過去曾受未受罪業之人同

得法潤普願生成皆悉解脫懺主某伏為安平  
薦禮此懺文五體投地一心發念稽首  
慈尊敬禮

真聖

志心敬禮

玉清降福天尊

志心敬禮

尋聲救苦天尊

志心敬禮

玄上玉宸天尊

志心敬禮

無量妙法天尊

志心敬禮

真定慈悲天尊

志心敬禮

流金紫極天尊

志心敬禮

幽夜善燭天尊

志心敬禮

濟苦靈真天尊

志心敬禮

寶光九夜天尊

志心敬禮

妙光炎煥天尊

志心敬禮

寶珠上品天尊

志心敬禮

救苦大慈天尊

志心敬禮

神通洞淵天尊

志心敬禮

運明廣照天尊

志心敬禮

廣現無盡天尊

志心敬禮

上真天尊

志心敬禮

光益天尊

志心敬禮

智感天尊

志心敬禮

奇妙天尊

志心敬禮

威神天尊

志心敬禮

長存天尊

第七

十二

志心敬禮

流光法界天尊

志心敬禮

長生保命天尊

志心敬禮

太一救苦天尊

志心敬禮

普慈護國天尊

志心敬禮

無邊際天尊

志心敬禮

功德海天尊

志心敬禮

逍遙快樂天尊

志心敬禮

隨願往生天尊

志心敬禮

慧相真人

志心敬禮

智觀真人

志心敬禮

大慈救苦真人

志心敬禮

大悲拔罪真人

今日道場懺主及以大衆仰願

北方無上靈寶天尊諸尊諸聖諸大真士諸

大真人諸大童子諸大無量神仙聖衆遍十

方際盡玄虛界應現一切真聖以丹華十水洗  
滌心口懺主某億曾萬祖生身父母伯叔兄  
弟己身男女一切姻蘿存亡二世自從歷劫  
以來至于今劫今生今日身有諸業諸罪及  
以所造所作餘累罪業處世受報或在牢籠  
草七  
地獄願受懺悔早得清淨離於惡道使入善  
緣不淪五道普得逍遙同飲一法往生長樂  
體解無爲齊登

大道一拜

見果報品第四



今日道場大衆人各運心仰禮

慈尊懺說果報因緣懺主某秉心長跪諦聽  
經言一切衆生毀壞真聖形像三洞經典者  
見世病癩報死入地獄萬劫方生受野獸身  
若還人中舌根爛壞誹謗出家法身者見世  
蟲爛病報過去生六畜中破壞靈觀玄壇者  
見世眉鬚墮落身形麤爛過去生毒蛇身不  
敬

天尊大道聖像真容者見世心愚癡過去生  
貧賤中不信經法宿命報對者見世患聾瞽

過去生鳥獸中不信罪福因緣者見世為奴  
婢過去生蠻夷中輕慢出家法身者見世跛  
躄過去生猪狗中穢汙三寶福地者見世形  
容醜陋過去生糞土中淫亂出家法身者見  
世孤寡報過去生廁溷中偷盜三寶財物者  
見世貧窮過去生奴婢身偷盜常住眾物者  
見世風病過去生畜類形偷盜四眾信施者  
見在顛狂過去生愚癡身啗食三寶燕果者  
見世患消渴過去生餓虎毒蛇身偷盜齋食  
供養者見世霹靂鬼殺過去生蛇虺身死入

餓鬼中偷盜法衣法具者見世裸形過去生  
餓犬身偷盜經像衣物者見世病苦報死入  
地獄萬劫不原破齋破戒者見世咽喉病過  
去生聾盲身殺害衆生者見世長病壽促過  
去生六畜中食肉葷觸者見世受貧病嗜酒

草七

十四

恣情者見世風狂持心不堅戲好弄出家者  
見世受獼猴相手足斷壞者從不敬三聖中  
來兩眼障翳者從不信經法中來舌根吐縮  
者從毀壞經典中來瘖瘂不能言語者從謗  
說出家法身中來鼻塞不聞香臭者從好啗酒

肉五辛中來身體潰爛者從毀壞真聖中來  
眉鬚墮落者從不瞻敬尊像中來唇擻齒露  
鼻梁崩倒者從破闖道場中來曲腰岐背僂  
背短脚者從噴高輕慢中來顛狂邪病迷惑  
者從不信因緣善事中來形容瘡癰醜貌者  
從罵詈無故中來眼赤口喎不正者從笑傲  
無禮中來愚癡意不具足者從誑誕中來劫  
賊相逢數寇貨財者從負債不還中來水溺  
漂沈者從筌罩取水族中來被毒蛇吞噬者  
從殺害侵損中來火燒灼爛者從弋獵焚爇

山林中來被猛虎食啗者從陰謀毒惡中來  
飢寒凍餓衣不蓋形者從竊盜齋食中來父  
母妻子離隔者從疾妬姦淫破人和合離人  
恩愛中來髡頭斷髮眼深鼻長者從射獵取  
生中來如此生身皆從前世犯於罪業死經

草七

十五

地獄及至來生受報無有休息

慈尊語普濟言汝當精心信奉明示將來今  
諸男女悉知罪業報對宿命種種因緣今日  
道場大衆如經所言種種果報皆由前世所  
作今生所受當須覺悟大可思惟莫言地獄

非真天堂妄說當須發念慙懃痛切鄭重願  
諸衆生依遵教誘得入法門如人欲游深嶮  
路須得梯航如無此功作何方度懺主某伏  
為追平安薦禮此懺文五體投地一心發念稽首  
慈尊敬禮

真聖

志心敬禮

玉清降福天尊

志心敬禮

尋聲救苦天尊

志心敬禮

玄上玉宸天尊

志心敬禮

道化普開天尊

志心敬禮

救拔苦海天尊

志心敬禮

開度隨緣天尊

志心敬禮

無量普教天尊

志心敬禮

度世聖王天尊

志心敬禮

觀行天尊

志心敬禮

功德本天尊

志心敬禮

普照天尊

志心敬禮

真位天尊

志心敬禮

法源天尊

志心敬禮

太真王天尊

志心敬禮

法上天尊

志心敬禮

滿月天尊

志心敬禮

度人因果天尊

志心敬禮

高上玄虛天尊

志心敬禮

高清元景天尊

章七

十六

志心敬禮

玉清虛明天尊

志心敬禮

轉法流通天尊

志心敬禮

化生天尊

志心敬禮

高上師天尊

志心敬禮

太一救苦天尊



志心敬禮

長生保命天尊

志心敬禮

普慈護國天尊

志心敬禮

逍遙快樂天尊

志心敬禮

隨願往生天尊

志心敬禮

無邊際天尊

志心敬禮

功德海天尊

志心敬禮

中黃真人

志心敬禮

普化真人

志心敬禮

大慈救苦真人

志心敬禮

大悲拔罪真人

今日道場懺主及以大衆仰願

北方無上靈寶天尊諸尊諸聖諸大真人諸  
大童子遍十方際盡玄虛界隱現一切尊聖  
願以慈光同垂拯拔懺主某無量無始劫來  
至于今劫今生今日九祖父母三世祖考伯

草七

十七

叔兄弟已身枝蘿姻屬過去未來恐生惡道  
沈滯幽閉受諸苦惱今見存者受其業報疾  
病纏身當今懺悔普願消滅同得安樂自今  
已去見衆生身想如我身見種種惡事誓心  
退悔見種種善緣留心願學覺悟果報依

教修行願我身生生世世不失人性願諸衆  
生當來之世共生

樂國同飲

玄風稽首歸依

无上真道 一拜

太上慈悲道場消災九幽懺卷之七



